




職方典第一千一百二十二卷

武昌府部彙考八

武昌府驛遞考

府縣志合載

本府 江夏縣附郭

夏口水驛在平湖門外明洪武五年設

皇清順治十六年歸併將臺驛

金口水驛在縣南六十里

將臺馬驛在縣東八里

東

湖馬驛在縣東南六十里明萬曆末改置紙坊

山陂馬驛在縣東南一百二十里

總鋪

長虹鋪

和尚鋪

新館鋪

石子嶺

紙坊

龍泉鋪

新市鋪

聚仙鋪

誠信鋪

潘杲鋪

將臺鋪

冷水鋪

長山鋪

土橋鋪

山口鋪

孟城鋪

橫山鋪

青山鋪

官屯鋪

武昌縣

總鋪在縣前司兵永充二名徭編七名

水口鋪在縣西十五里司兵永充一名徭編六名

平安鋪去縣十五里徭編七名

梅城鋪去縣十四里司兵永充一名徭編六名

華容

鋪去縣二十里徭編六名

神山鋪去縣十五里徭編六名

新橋鋪去縣二十里司兵

永充二名徭編六名

松嶺鋪去縣東十五里司兵永充二名徭編六名各鋪原有郵亭今

廢

嘉魚縣

石頭口水驛在縣南八十里

魚山水驛在縣北五里

鐘洲水驛在縣北一百五十里

縣前鋪

石井鋪

綠嶺鋪

舒橋鋪

洪水鋪

蒲圻縣

官塘驛在縣東六十里驛丞一員馬八匹每匹銀三十兩遇閏加銀五錢共銀二百四十四兩
外有興國州協濟館夫二名每名工食銀五兩遇閏加銀八分三釐三毫共銀十兩零一錢六
分六釐有奇 鳳山驛在縣北驛丞一員馬二十六匹每匹銀三十兩遇閏加銀五錢共銀
七百九十三兩館夫夫銀與官塘驛同 港口驛在縣西六十里驛丞一員馬四匹每匹銀

三十兩過閩加銀五錢共銀一百二十二兩外有興國州協濟館夫夫銀與上二驛同

懋懃鋪 下壘鋪 詹家畚鋪 石子岡鋪 官塘鋪 龍坑鋪 五洪鋪

白石鋪 來山鋪 港口鋪 馮石鋪 廖坪鋪 荊港鋪 洪水鋪

咸寧縣

咸寧驛在縣西 官埠鋪 駕城鋪 桃林鋪 楊山鋪 馬橋鋪 赤岡鋪

馬家橋鋪 白沙鋪

崇陽縣

急遞鋪在縣前右 吳城鋪在縣前左 梭塘鋪在境內以上三鋪俱達通城縣界

光祿鋪在縣東 雙路鋪在縣東南二鋪俱達通山縣界 鹿門鋪 王子鋪

屏山鋪 東流鋪以上四鋪俱達蒲圻邑北

通城縣

縣前總鋪在縣治頭門右 白馬鋪在縣北十里 星橋鋪在縣北二十里 進口鋪

在縣北三十里 青水鋪在縣北四十里 石屋鋪在縣北五十里

興國州

富池水驛在州東六十里 總鋪在州治前 金墩鋪 荻田鋪 大塘鋪 啟

良鋪 白沙鋪 梁公鋪 小箕山鋪 大箕山鋪 倪家鋪以上諸鋪俱在州

西北通大冶縣 費師鋪 良薦鋪 淘港鋪 大丁山鋪 小丁山鋪 黃

鰲口鋪以上諸鋪俱在州北通蘄州 楊林鋪 硃紅鋪 臨江鋪 板橋鋪

石田鋪 西墀鋪 高壘鋪 黃岡鋪 界首鋪以上諸鋪俱在州東南通瑞昌界

吳塘鋪 駱家灣鋪 阮灘鋪 新塘鋪 陽辛鋪 慈口鋪 界首鋪以上

諸鋪俱在州西南通通山界

大冶縣

急遞鋪在縣前 接官亭在縣北一里萬曆十二年知縣吳仁建今廢 石磊鋪去縣十

里 金橋鋪去縣二十里 東方鋪去縣三十里 鐵山鋪去縣四十里 長虹鋪

去縣五十里有公署

楊嶺鋪去縣六十里

桐城鋪去縣七十里路抵武昌鋪舍每鋪

有坊或存或廢

通山縣

縣前鋪在縣右數十步

花橋鋪去縣十五里通興國州

界首鋪去縣東三十里通通

山興國界

山口鋪去縣北二十里通咸寧縣界

平安鋪在縣西二十里通崇陽縣界

武昌府兵制考

通志

府總

城守參將一員

中軍守備一員

千總二員

把總四員

興國州城守參將一員

守備一員

千總一員

把總二員

道士洑守備一員

把總一員

武昌衛守備一員

千總一員

百總一員

屯田二千三百六頃二十五畝二釐三

毫有奇屯糧一萬二千三百七十五石七合一勺

武昌左衛守備一員

千總一員

百總一員

屯田一千六十二頃四十四畝六分

一釐三毫七絲九忽八微

屯糧一萬二千七百二石一斗二升四合八勺三抄二撮

武昌府物產考

府志

府總

穀之類

稻有粘糯二種各有早中晚三種其名不一

麥有大小二種來牟是也別有甜苦蕎二種

豆有紅黃黑紫豌豆五種又菜有豇豆扁豆

蔬之類

筍有竹蘆菱各種

蘿蔔有紅白二種

瓜有王瓜東瓜番瓜各種

葫大者可爲瓢

鼎

薺俗云地菜

菜有青白波油百花諸種

果之類

栗歲澇不收栗歲旱不收菱諺云淹殺栗子乾殺菱角

檣一曰紅花

菱兩角爲菱四

角爲芰貧民採作飯凶歲併食其藤

芋薺一名鳧苳

木之類

檀有黃白二種

栗有細眼大婆不一

桐有花實二種

柳有垂柳鬼柳

竹有

楠叢水簣金紫苦苗鳳尾諸種

花之類

蓮爾雅荷芙蓉其莖茄其葉蓮其本薔其華菡萏其實蓮其根藕其中的的中薏別名芙蓉

菊其華色不一白者可入藥

葵有紅黃白三種

海棠有鐵幹垂絲秋海棠

草之類

茶山寺人家自種

葛土人採績作綌

蘆江岸有課

荻蘆之小者生湖渚中

蓼生水畔

薔薇同荒歲賴之

蓼可作繫

芣苢卽車前

寄生可入藥

茅

蓼有水陸二種

藥之類

茯苓大者爲茯神

芫花卽商陸

畜之類

牛有水牛黃牛傳曰犀兕尙多犀水牛兕黃牛也

鳥之類

鶯一爲黃鶯又爲黃鸝最善鳴

鸚鵡一名子規

鸛鷀冬月羣喚則爲雪徵

烏又

爲鴉古作雅

布穀啼聲割麥插禾土人於是時布種又名催耕鳥

鵲夜鳴雙鳴則雨

單鳴則晴

鳬冬月出湖中小者爲鶩

鵲鷀一名邕渠

淘河卽鸛鷀

啄木名

鴛

姑惡其聲苦

泥滑滑水起則鳴一云大水發

傾伽鳥一名太平雀昌國寺出

和鳴如鳳飛翔不出數里外宋徽宗試士指此鳥

魚之類

鯉出江中不常有

鯪卽魴也

鮎卽鰻也

鯽鮒也

鱣黃頰

鯢鱖魚

鯢又名祭刀取魚之事百出稱百業焉又魚有鱗有介取者至不能舉而樊口之縮項鯢實美

甲天下

龜出江上

龜出澗谷中

貨之類

布縵密者少粗疎者多

謝紙厚而粗可以裹物土人謝氏造

油有菜油麻油桐油棉

油木櫬油五種

武昌府古蹟考

府縣志合載

本府

江夏縣附郭

黃鶴樓在黃鵠磯上世傳仙人王子安乘鶴過此又云費文禕登仙駕黃鶴憩此一說辛氏沽酒有道士數詣辛氏不計酬道士臨別取肴核中橘皮畫鶴於壁曰客至拍手引之鶴當飛舞以侑觴辛遂致富一日道士復至取所佩鐵籥吹數弄須臾白雲自空飛來鶴亦飛下道士飄然乘鶴去辛氏卽其地建樓唐閻伯作鄧記以文禕事爲信或又引梁任昉謂駕鶴者乃荀瓌字叔瑋非文禕也宋張栻亦辯其非唐崔灝有詩千古詞人往多題咏皆不及焉明嘉靖不火隆慶五年都御史劉繼建汪道昆爲之記崇禎癸未兵燹至

皇清順治中御史上官鉉重建康熙三年火巡撫劉兆麟復建總督張長庚記之 白雲樓在黃

鵠山頂宋元祐知州方澤建 南樓在黃鵠山巔宋元祐知州方澤建非武昌庾亮之南樓

也 雄楚樓依城在舊撫院後山明萬曆初都御史趙賢建癸未兵燹康熙十五年布政司

徐惺重建 望江樓在漢陽門城上卽煙波樓故址明知府汪大本建狀元黎淳記 楚

觀樓在布政司前唐牛僧孺奇章閣故處宋知州陳邦光建戲綵堂其上後汪叔詹更名奇章

閣明弘治中重修譙樓大學士李東陽有記今廢 焦度樓在東南子城上度有武勇宋明

帝時爲武陵王參軍沈攸之起兵至夏口度登陴拒之後人遂以名樓 和豐樓在縣東南

舊名高樓宋淳熙間燬總管劉邦翰重建改名楚樓在平湖門外宋紹熙間建 孟宗宅在

舊武昌衛左 李北海宅今爲修淨寺 太白堂李青蓮讀崔司勳黃鵠樓詩閣筆之處

明邑令徐日久建 竹雞堂元末土人掘地得碑鐫竹雞堂三字東坡書久廢 四賢堂

在府學宋嘉定中教授石繼倫建以祀周子二程子朱子 李白講書堂在城南三十里

石鏡亭在黃鵠樓西臨崖舊有石如鏡宋賀鑄有詩明初爲亭以表之今廢 呂仙亭卽仙

棗亭遺址景泰四年重建相傳亭前棗樹忽有實如瓜太守令小吏往視小吏竊啖之遂仙去
後人因亭焉今仍名仙棗在黃鶴樓東 壓雲亭在黃鶴山元世祖常駐此至正間建

廣永亭在黃鶴山頂 江漢亭在府倅廳宋張栻記張芸叟南遷錄有云鄂倅公宇因古城

爲亭榭俯瞰江漢 乖崖亭在布政司內宋李燾設張忠定像祀之有記 封建亭在城

南梅亭山明太祖旣降陳理駐蹕於此得使報生六皇子太祖喜曰他日以此子王楚及封王
議齊寶三鑄不成因悟曰朕昔駐梅亭有言其王楚乎一鑄而寶成遣齋御製祝文祭告封內
山川勒碑建亭 達摩亭在金口下龍牀磯上前有大銀杏樹二株相傳卽折蘆渡江處

湧月臺在黃鶴樓旁三字石刻相傳湧月二字曹操筆非也按操未嘗至鄂不應有書且月湧
大江流是取唐少陵句必唐宋後人爲之一統志漢陽鳳棲山下有湧月亭宋黃清老建石上
有湧月二字或云後人移置於此而添臺字耳今湧月二字石爲一截臺爲一截益知是清老
亭中物操書之謬不辯自明矣 郊天臺在城東十里今名磨兒山相傳昭烈祭天於此

白陽臺在城北十里舊志梁武攻郢城遣唐修屯兵於此 龍牀臺一名鳳凰窩在高觀山

下後闢作玉皇閣明太祖納降陳理時駐此毀所獻友諒鏤金牀 北榭在府署右宋元祐

間建黃魯直有詩 張公洞在龍泉相傳張宣尉屯兵於此 磨劍池在呂仙亭左相傳

秦始皇磨劍處 仙桃跡在黃鵠磯上有三桃跡 岳松在洪山上爲武穆王手植明季

斧於賊今復茂 古無影塔在黃鵠磯上高不三尺題古無影塔四字至今日照西畔而塔

無影 寶像塔在黃鵠樓前元威順王太子墓 寶涌塔在洪山寺後 鎮水犀一在

平湖門外名鐵牛廠一沈於水 元御書碑在府學元至順間御書達志萬里歸程六字二

碑刻歐陽元爲贊

武昌縣

鄂縣故城水經注云古岸有鄂縣故城蓋舊樊楚也 鄂王城在縣西南二里楚子紅封國

城今馬蹟鄉有鄂王故城土俗編以爲故鄂城是也 吳王城在縣東周四百八十步內有

宮殿故址今廢 吳大城水經注云城東故城漢將軍灌嬰所築陶侃爲刺史理其地又云

吳王故宮城前有御溝後爲天王廟今廢 黃石城在縣東江表傳云劉勳走入樊口聞皖

已沒及西塞將兵救皖爲孫權所破遂奔曹公卽此今廢

城塘縣城在縣西七十里隋末

縣令義大暄置舊有水塘因名今廢

梅城在縣西五十里周一百五十五步高一丈居平

川中一土俗編云黃武二年成之今廢

件城在縣西七里有元人余壽卿刻西蜀李文

祥書樊西退叟作龍巢兩殿碑

臨津門在吳大城西北竇宇記云吳城有五門西南一門

謂之臨津宮城四門一門在王城東門東有牆如羊馬城名曰將軍巷疑當時宿衛周廬所在

又東卽雞鳴關又東爲閔家巷

武昌西門晉陶侃鎮武昌課種柳都尉夏施夜盜柳爲己

種侃問此西門柳何以盜種尉驚怖謝罪

南樓舊安樂宮端門又名玩月樓卽今之譙樓

庾亮在武昌與殷浩輩夜登南樓據胡牀談咏竟夕卽此今廢

捲雪樓舊名亭在縣治北

明萬曆初縣令李有朋重修改名不盡亭

澄清樓在縣治城後縣令李有朋建康熙九年

縣令熊登復建有記

勅書樓在縣治儀門外東明成化間知縣劉吳鏜建後改爲總鋪

伏虎樓萃景樓俱在西山左

文峯樓在縣南二里文星塔旁縣令熊登建

拜郊臺在

西山頂吳王郊祀於此故址現存按文獻通考孫權初稱尊號於武昌祭南郊告天用黑牡追

王父堅爲始祖配天

釣臺寶宇記武昌城下有石臨江垂峙四望極目孫權駐兵於此嘗

集羣臣臨臺飲酒大醉使人以酒灑羣臣張昭諫止之明成化初江岸平沙忽高二三尺許今
壅沒臺後石壁有呂公洞三大字今存 鳳凰臺在縣東虎頭山吳王因鳳凰見築臺於此

召周瑜魯肅以定建都之計明萬曆初知縣李有朋建塔

吳王故宮張文潛賦云登西山

之故墟弔西門之衰柳是吳王之故宮兮昔仲謀之所有今不存

安樂宮基在吳王城內

吳繕丹陽南宮謂之安樂宮後諸葛恪更起門殿爲遷都記謂之西宮舊傳宮瓦皆沈泥爲之
可爲硯一瓦值百錢今亡 避暑宮卽西山寺一名圓通閣吳王避暑於此宮前有銀杏樹

二株合抱大可十圍蒼翠拂雲陰蔽日每年結實左稀則右密左密則右稀明末毀折無存

太極殿在安樂宮前孫權南郊卽位還陞此殿東有方池又有禮賓殿故址今不知所在

鷄鳴闕在宮城東

松風閣在西山寺後宋黃庭堅建後廢康熙間縣令熊登重建

觀

音閣在龍蟠石上

九曲亭宋蘇子瞻建後重建改最樂亭懷坡亭懷蘇亭不一順治間縣

令徐獅重修

解劍亭在縣東北江次與五洲相望昔伍員渡江解劍謝漁父於此

廣

燕亭在樊山東唐廣德中縣令馬珣建取謝元暉樊山開廣燕句今廢

殊亭在縣後山巔

馬珣建元結記取其才殊人殊形殊亭又殊意今廢

杯亭在郎亭山元結爲杯尊作亭因

名今廢

怡亭在郎亭山下亭廢有石篆書云怡亭裴鷗卜夫亭之李陽冰石夫篆之裴虬

養夫銘之隴西李莒書石刻稱爲三絕見存按歐陽集銘在武昌江中有小島亭在其上銘刻

於島石

思樂亭在櫺星門聰明池上元至正五年建今廢

中允亭在金牛鎮南十里

張舍人宅基沈存中筆談云武昌張鄂登進士第除中允創

伯履亭在寒溪寺西宋宣政

間范侍郎謫黃州遊武昌作亭以其字名今廢

壽井亭在縣南元至正達魯花赤鐵山縣

令王文賁建今廢

尋梅亭在西山後今廢

半山亭在西山中今廢

望楚亭在西

山試劍石側明正德中副使惲巍舟經江上覽勝創建今廢

三賢亭在西山寺後嘉靖初

知縣許稽卿建祀陶侃元結蘇軾今廢

惠民亭在縣治北門馬頭上

半壁亭在縣治

虬龍山城上明崇禎末知縣鄒逢吉建題爲雲中半壁有聯云環眉千嶂古繞膝萬家熙今廢

陶侃讀書堂在寒溪寺後今廢

吳王讀書堂在寒溪山間今廢

歲寒軒在縣北俯瞰

大江今廢

陶公宅在縣西北後爲羅漢院武昌記曰陶侃宅地中有黑石中坳如樽唐孟

仕源命爲杯樽舊有碑今廢

淳老菴在寒溪寺旁宋宣政間江西帥吳處厚從范坦遊建

淳老庵今廢

隋文帝舍利石塔在縣東十里勝緣寺記文帝以如來感應舍利分布天下

建塔百所此爲第二

文星塔明嘉靖初教諭朱瓚築後廢康熙七年縣令熊登重建

鳳凰臺塔明縣令李有朋建今存

金牛鎮塔市中石塔一座無考

古煙墩二一在燕

磯風火山頂一在屏風磯山頂俱濱江相傳陳友諒設以燎望烽火或云三國時已有無可考
三十六墩在縣南二里俗云曹操疑塚非也或孫吳時爲之又云武昌地形如荷葉托珠孫吳
爲此蓋像之耳或又云孫吳宮中宮女站立之所俱無足據

呂公洞在大江濱有石刻呂

公洞三字左右有石勒

吳老洞在西山背今爲土塢

瓜圻在縣西五十里吳王種瓜

於此有送瓜溝今名爲宋家溝

嘉魚縣

白面山邑址縣治舊在魚嶽山東南唐保大十一年僱兵患徙於白面山卽今之白雲山也宋